

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 14.01.2019 թ. թիվ 1908974592 և 15.01.2019 թ. թիվ 1908982434 որոշումներն անփոփոխ, իսկ վարչական բողոքն առանց բավարարման թողնելու մասին

<< 12 >> 02 2019 թ. 17-13 10416-19/17-13 587

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Գևորգ Շամոյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Վանաձոր քաղաքի Չերնիշևսկու նրբանցքի 15 տան բնակիչ Գևորգ Շամոյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 1908974592, 1908982434 և 1808892550 որոշումները՝ նշելով, որ կանգառ կատարել է մի քանի վայրկյան տևողությամբ՝ ուղևոր նստեցնելու նպատակով: Դիմումատուն նշել է նաև, որ վարչական տուգանքների մասին ուշ է տեղեկանում, քանի որ բնակվում է Երևան քաղաքում, իսկ Վանաձոր քաղաքի փոստային ծառայության աշխատակիցը հրաժարվում է նամակները հանձնել ծնողներին:

Դիմումի քննարկման արդյունքում պարզվել է, որ դիմումատուի փաստարկը վարչական պատասխանատվության ենթարկելու մասին թիվ 1908974592 և 1908982434 որոշումներն անվավեր ճանաչելու հիմք չի կարող հանդիսանալ հետևյալ պատճառաբանությամբ.

«Կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է **երթևեկելի մասի եզրին զուգահեռ մեկ շարքով**՝ բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

14.01.2019 թ. թիվ 1908974592 և 15.01.2019 թ. թիվ 1908982434 որոշումներով ամրագրված տեսանյութերի տևողությունները համապատասխանաբար 80 և 61 վայրկյան են, որոնք փաստում են, որ դիմումատուին պատկանող տրանսպորտային միջոցը տեղակայված է **երթևեկելի մասի երկրորդ շարքում**:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 39-րդ մասի համաձայն՝ սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է **միայն ուղևորների նստելու կամ իջնելու նպատակով, չի գերազանցել մեկ րոպե ժամանակահատվածը**, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ

վտանգ չի ստեղծվել, հետևաբար արարքը նվազ նշանակություն ունեցող չի կարող գնահատվել:

Դիմումում նշված վարչական տույժ նշանակելու մասին 17.12.2018 թ. թիվ 1808892550 որոշման կապակցությամբ հայտնում եմ, որ գոյություն ունի Ճանապարհային ոստիկանության կողմից ընդունված և ուժի մեջ մտած վարչական ակտ՝ <<Ճանապարհային ոստիկանության վարչական տույժ նշանակելու մասին 17.12.2018 թ. թիվ 1808892550 որոշումն անփոփոխ, իսկ վարչական բողոքն առանց բավարարման թողնելու մասին>> Ճանապարհային ոստիկանության 22.01.2019 թ. թիվ 17-13-2437-19/17-13-192 որոշումը, ուստի ղեկավարվելով <<Վարչարարության հիմունքների և վարչական վարույթի մասին>> օրենքի 50-րդ հոդվածի 1-ին մասի <<գ>> կետով՝ դիմումը այդ մասով վերանայման ենթակա չէ:

Ինչ վերաբերվում է վարչական տուգանքների մասին ուշ տեղեկանալու հանգամանքին, ապա դիմումատուին առաջարկում եմ օգտվել <<police.am>> և <<azdarar.am>> կայքերից:

Այսպիսով դիմումատուի արարքում առկա են Վարչական իրավախախտումների վերաբերյալ << օրենսգրքի 124-րդ հոդվածի 21-րդ մասի հատկանիշները, ուստի նրան վարչական պատասխանատվության ենթարկելու մասին որոշումն օրինական է և իրավաչափ:

Ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 16.01.2019 թ. թիվ 1908994525 և 21.01.2019 թ. թիվ 1909011439 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել << վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Գևորգ Շամոյանին:



Ե. Կարապետյան

Կատարող Կ.Սուքիասյան